

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara, Kultura eta Kirol Saila**

Bizkaiko Foru Aldundiko abuztuaren 26ko 78/2026 Foru Dekretuaren laburpena; Foru Dekretu horren bidez, 2026ko azaroaren 24tik 2027ko azaroaren 22ra bitartean nazioarteko federazioen eta/edo Espainiako federazioen egutegi ofizialetan sartutako kirol-probetan parte hartzen duten Bizkaiko kirolarientzako foru dirulaguntzen oinarri arautzaileak eta deialdia onartzen dira. BDNS (Identif.): 926671.

Diru-laguntza orokorre buruzko azaroaren 17ko 38/2003 Legearen 17.3.b) eta 20.8.a) artikuluetan ezarritakoaren arabera, deialdiaren laburpena argitaratzen da. Horren testu osoa datu base nazionalean aurki daiteke. Diru-laguntzak

(<https://www.infosubvenciones.es/bdnstrans/GE/es/convocatoria/926671>)

Lehenen. — Onuradunak

Maiatzaren 31ko 5/2005 Foru Arauaren 12. artikuluan jasotako egoeretako batean egon ez eta baldintza hauek betetzen dituzten kirolariak izan daitezke foru dekretu honen bidez araututako dirulaguntzen onuradunak:

- Etenik gabe 2026ko urtarrilaren 1etik Bizkaian erroldaturik daudenak.
- 2026ko azaroaren 24tik 2027ko azaroaren 22ra bitartean nazioarteko federazioen eta/edo Espainiako federazioen egutegi ofizialetan sartutako kirol-probetan parte hartzea.
2011. urtean edo lehenago jaioak. Salbuespenez onartuak izango dira 2011ren ondoren jaioetakoak, Bizkaiko Foru Aldundiak Etorbizun Handiko Kirolari edo Etorbizun Handiko Kirolaritzat jotzeko hautagai legez aintzatetsi baditu.
- Bizkaiko lurraldeko kirol-federazioak edo, Bizkaiko lurralde-federaziorik ez bada, euskal federazioak izapidetutako lizentzia izatea, dirulaguntza eskatzen den modalitatekoa. Lizentziak 2026 edo 2027. urterako egon beharko du indarrean, edo 2026/2027ko edo 2027/2028ko denboraldirako.

Bigarrenen. — Xedea

Bizkaiko kirolariek dirulaguntza jasoko dute beren gain hartu behar izan dituzten inskripzio, egonaldi, joan-etorri eta mantenu gastuengatik, baldin eta 2026ko azaroaren 24tik 2027ko azaroaren 22ra bitartean nazioarteko federazioen eta/edo Espainiako federazioen egutegi ofizialetan sartutako kirol-probetan parte hartzen badute, banakako nahiz binakako norgehiagoketan.

Mantenu- eta egonaldi-gastuen kasuan, lehiaketan parte hartu aurreko egunari, lehiaketan parte hartzen den egunari eta lehiaketan parte hartu eta hurrengo egunari dagozkien gastuak baino ez dira diruz lagunduko.

Era berean, mantenu-gastuen kasuan, eguneko hiru mantenu baino ez dira kontuan hartuko.

Diruz lagunduko diren probak Euskadiko Kirol Federazioen urtarrilaren 31ko 16/2006 Dekretuaren eranskinean jasotako kirol modalitateen eta diziplinen katalogoa eguneratzeko Kultura eta Hizkuntza Politikako sailburuaren 2022ko otsailaren 10eko Aginduan halakotzat aitortutako kirol-diziplinei buruzkoak izan beharko dira. Era berean, dirulaguntza jaso ahal izango dute Eusko Jaurlaritzak agindu horren ondoren aitortutako kirol-diziplinen probek, baldin eta proba egin aurretik aitortzen badira.

Hipikako diziplinen kasuan, baldintza hauek betetzen dituzten eskabideak soilik hartuko dira kontuan:



- Jauzi-diziplinan: lehiaketa minimoa: 6ko lauhazka, eta gutxieneko altuera: 1,30 metro.
- Raid diziplinan: lehiaketa minimoa: izar 1, eta gutxieneko distantzia 80 kilometro.
- Lehiaketa osoko diziplinan: lehiaketa minimoa: 7ko lauhazka.
- Hezte-diziplinan: lehiaketa minimoa: 4ko lauhazka, eta tarteko mailako proba.
- Poni-diziplinan: lehiaketa minimoa: D kategoria, eta gutxieneko altuera 1,1 metro. Promesa edo promes aurreko aitortpena duten kirolariak bakarrik onartuko dira.

Foru dekretu honen ondorioetarako, nazioarteko kirol probatzat hartuko dira modalitateko nazioarteko federazioaren egutegi ofizialean halakotzat ageri direnak. Surf modalitatean, WSLk antolatutakoak ere nazioarteko kirol-probatzat hartuko dira.

Probak izan behar dira ume, kadete, gazte, junior, absolutu edo kategoria seniorrekoak.

Hirugarrena.— Oinarri arautzaileak

Bizkaiko Foru Aldundiaren abuztuaren 26ko 78/2026 Foru Dekretua. Honen bidez, oinarri arautzaileak eta deialdia onartzen dira 2026ko azaroaren 24tik 2027ko azaroaren 22ra bitartean nazioarteko federazioen eta/edo Espainiako federazioen egutegi ofiziale-tan sartutako kirol-probetan parte hartzen duten Bizkaiko kirolarientzako foru dirulaguntzetarako.

Laugarrena.— Zenbatekoa

Deialdi honetan araututako dirulaguntzak emateko aurrekontuaren muga ehun eta hirurogeita hamabost mila eurokoa (175.000,00 €) da.

Bosgarrena.— Eskabideak aurkezteko epea

Eskabideak aurkezteko epea 2026ko abenduaren 16an hasi eta 2027ko abenduaren 1ean amaituko da (egun hori barne).

Bilbon, 2026ko abuztuaren 26an.—Euskara, Kultura eta Kiroleko foru diputatua, Leixuri Arrizabalaga Arruza